



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Statv Religionis Christianae, Per Evropam, Asiam,  
Africam, Et Orbem Nouum, Libri IV.**

**Le Mire, Aubert**

**Coloniae Agrippinae, 1619**

Cap. XV. De Melita insula.

**urn:nbn:de:hbz:466:1-11108**

## CAPVT XIV.

## DE REGNO CORSICAE.

**C**ORSICA Insula maris Ligustici, Regio titulo illustris spectat ad Rempub. Genuensem. Iuxta Philippum Ferrarium, in Notis ad Martyrologium Romanum, sunt in ea hodie sedes quinque Episcopales, *Mariana, Aleria, Nebium, Sagona & Adiacium*, omnes solo æquatae, præter Adiacium. Præfectus insulæ residet Bastiæ, quæ vrbs munita egregiè est; vt & fanum S. Florentij, Caluia, & Bonifacium. Ita Ferrarius. Alij dicunt hodie sex Episcopos in Corsica numerari, Marianensem, Nebiensem, & Acciensè, qui Archiepiscopo Genuensi; Aleriensem, Sagonensem & Adiaciensem, qui Archiepiscopo Pisano sunt suffraganei. Vtramque opinionem faciliè est conciliare: eò quòd Acciensis sedes, à Ferrario omissa, sit vnita cum Marianensi: vt vir eruditus me monuit.

## CAPVT XV.

## DE MELITA INSVLA.

**M**ELITA, insula maris Siculi, naufragio D. Pauli nota, sedes est E-

C 5

qui-

quitum Ioannitarum seu Rhodiorum: de quibus vide Origines nostras Equestres. In insula vrbs est, quæ Episcopum habet, Panormitano in Sicilia Archiepiscopo suffraganeum.

In eadem vrbe Societas Iesu insigne possidet Collegium.

Melitenses porrò Equites perpetuum contra Turcas bellum alunt, & triremibus aliquot egregè instructis Christiani nominis hostes assiduè laceffunt. De rebus præclarè gestis per Ioannitas, insigne volumen post alios annis superioribus Bosius publicauit.

## CAPVT XVI.

## HISPANIARVM STATVS.

**H**ispania prima à Romanis tēata quidem, sed vltima prouinciarum subacta, eisdem vsque ad annum salutis quadringentesimum decimum paruit. Quo tēpore, cum Imperiū iam declinaret, VVandali, Sueui, & Alani, à Gothis ex Gallia pulsī, montes Pyrenæos transierunt, & Hispaniam Romanis ereptam multis annis tenuerunt. Sed Gothi à Francis ex Gallia eiekti, vicissim VVádalos & Alanos eiecerūt, Sueuos autem ad interneccionem ceciderunt.

Hispania itaque longo tempore Gothis paruit, à quibus hodieque præcipuæ inter  
Hispa-